

Atanilluaq Nunallaani Aanniaqtailinikkut Havaktimin nutaanik-ilitturipkaidjuti

Ublaakkut. Aullaqtirumajunga nutaanik-ilitturipkaidjutinik COVID-19 qalagjuarnirmi aannialiqtuni uvani Hope Bay Ujaraghiurvingmi.

Ublumimun, naunaiqhimajugun qulinik (10) pijunik aannialiqtunik COVID-19 qalagjuarnirmin ujaraghiurvingmi ukuallu 6sit ihumagijaujun aannialiqtunik huli utaqqijun ilitturittiarnikkut ihivriuqhinirnin.

Talvannga tikinninganin ujaraghiurvingmun September 29mi, ukuat Qilamik Upautinikkut Havaktiit havakpiarhimajut iniqtiriarni ihivriuqhinirnik, naunaijaqtaujuunik ahiqpaniititaujuuniklu maliktakhat pitqujauhijaujun nutqaqtittaami hiamitirniq aannialaqtimi ujaraghiurvingmi.

Nakuutqijaujun havaguti humiliqaak nunarjuami tautuktitaa ihivriuqhinirnik, naunaijaqtaujuunik ahiqpaniititaujuuniklu, ilaudjutikkullu aallanun qanuriliurutinun imaatun aullaarnikkut kiklikhaqatipkaidjutainnik atuqtipkainikkullu akuliangni matunik maliktakhanik naunaitkutaun nakuujun nutqaqtirnikkut hiamitiqjuummirutinik taimaalu hiamittailinirnik aannialaqtunik.

Kiklighaqatipkainiq aullaarutinik qaangiqlimajuni qulini (10) ubluni piuqpiaqtuq hiamittailiningani aannialaqtimi, mikhilaaqtipkainikkullu qajangnarnirmi hiamitirnirmi COVID-19 qalagjuarnirmik aallanun nunagijaujunun. Qajangnarniq Nunavunmiunnun huli atpahiktuq tamaani aannialaqinirmi.

Ublumi, tunnganiqarhuni havaktiit havagutainni, unniutijunga piqangittuq aallanik naunaitkutinik hiamitirnik ujaraghiurvingmi taimaalu qajangnarniq pilimaittuq 0-nguluni, ihumagugun aannialaqidjutit Hope Bay Ujaraghiurvingmi hiamittailijauliqtuq.

Una tukilik aullaarniit talvunga talvanngalu ujaraghiurvingmin pipkaqtitauffaaliqtun. Kitkut inirhimajait avalliingaarutitik hivituniit, kitullu naunaiqtauhimangittun qajangnaqtukkut aktuqtauhimajun aullaqtaaqtuq aijaulirlutik. Ilangit qajangnaqtukkut aktuqtauhimajun huli tahamaniittun avalliingaaqtitaulutik niriuktaujuullu naammagijauniaqtuq aullaariamiknik iluani havainirmi.

Ukuat Qilamik Upautinikkut Havaktiit qimangniaqtaa ujaraghiurvik ublumi avalliingaarlutiklu ukunani tikittukhani 14ni ubluni.

Uumani havainirmi hivumuujugun uumani Nunavutip Apqutikhaani ajurnaijuummirharhugillu kavamatkunni aanniaqtailinikkut qanuriliurutit nunaptikni. Taapkunani aallanguqtirutini, angiklijuummiqtiqtait katimanikkut kiklikhait pidjutikhaniklu amigaijuummiqtunik ulapqidliqidjutinun.

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Tada pihimaliqtugun ihivriuhidjutikhanik hailihimajun Kangiqlinirmi lqalungnilu piqarhuni pidjutikhamik utaqqiuraaqpangitaami pijaami ihivriuhidjutit naunaitkutainnik. Hivuliqpaangujumik havaktaptikni mikhilaaqtirnikkut utirianginni ihivriuhimajuni nakuuvaktuq tamaallu atuqtauliqtuq havagutiptikni Qikiqtaani avikturniani. Talvannga October 14min, niriuktugun pipakinikkut havaktamik Kivallirmun Kitikmeonmullu avikturhimaniinnun.

Taimaitturaanginnakkut, amirhihimmaarniaqtavun qaujiharlugillu qanurinningin. Qajangnarniq angiklijuummiqqat, akhuurjuummirnarungnarhivjavun kiklikhat pipkainikkut aanniaqtailinikkut aanniqtailinikkullu tamainnun Nunavunmiinnun.

Taimaarniaqtunga quvianaqtukkut uqautikkut pipkailunilu Nunavunmi nutaqqat inutquajuittullu ilitturipkarlugin Halloween piniaqtuq Nunavunmi.

Pipkainikkut nungulaaqtariarutit aallallu Halloweenmi hulidjutikhat pijun qajangnaittumik, Aanniaqtailinikkut Havagtvia ukaullu Nunalingni Kavamatkunillu Pivikhaqautikkut Ulapqinikkut Havakvia tunihimajun maliktakhanik. Hapkuat maliktakhat hailihimajun GN-kut qaritaujakkuurutaani tujuqtauniaqtullu haamlatkunnun.

Uvani havangnainnirmi quviahuutigiplug qujagivik, apirijatka inuit maliquplugin kamavatkunni aanniaqtailinikkut maliktakhat kikliqaqtipkarlugillu katimadjutiit aihimavingni imaatun 15nun inungnun.

Naammaklutin havaqatigilugillu kavamatkunni aanniaqtailinikkut qanuriliurutait mikhilaaqtirnikkut qajangnarniq COVID-19 qalagjuarnirmik Nunavunmi.

Quana,

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Ilaupluni Nunavut Kavamanga (GN) havagutainnik hapumminikkut Nunavunmiunnik talvannga qajangnarnirmin COVID-19 qalagjuarnirmin, GN-kunni Havakviit atuqtipkaliqtait hapkuat:

Ilinniaqtuliqijikkut Havagvianin nutaaq tuhaqtitaujukhaq

October 7mi, 2020, Minista Joanasie unalu Kanadaup Kavamangani Minista Ilagiiktuni, Nutaqqani Inungnilu Pivalliuliurnikkut, Ahmed Hussein, uqaqtuk aallanik ikajurutikhanik ilihalihaaliqtunun, nutaqqiqivingnun iliharvingnullu Nunavunmi (Canada-Nunavut Early Learning unalu Child Care Atauttikku Angiruti (\$2.4 million) unalu Safe Restart Angiruti (\$2.6 million).

Una Canada-Nunavut Early Learning unalu Child Care Atauttikku Angiruti ikajurniaqtaa aulapkarlugulu pipkainiit akituvallaangittunun ilihalihaaliqtunun nutaqqiqinikkut pinahuarutini talvuuna aulapkainikkut maniliqtuutini, piliurluni nutaqqiqinikkut inikhanik pidjutiulluangittuni nunallaani, akhuurhialuni ajuirharnirik havaakkullu ajunginnikkut uuktuqvikhanik ukununga ilihalihaaliqtunun ilihaijinun, pivallialiurlunilu ilihainikkut aturutikhanik pinahuarutiniklu hunakhanik tamainni Nunavutip ilitarijauhijumajuni uqauhiinni.

Una Safe Restart Angiruti tuniniaqtuq pimmarigharhimajunik halummarhinikkut ajuirharutinik tamajaniklu nutaqqiqivingnun ukunungalu K-12 iliharvingnun tamaani Nunavunmi, atuqtauniaqtuqlu niuviriimi qaritaujanik, mikijuniklu qaritaujaliqidjutinik, qaritaujakkuurutikkullu angummadjutikhanik ikajurnikkut unghiktuni iliharutinik taimaatun ihariagijaujumik tunnganiqarluni taimaatun nunallaaq qulvahitqijaukpat qajangnarnikkut COVID-19 qalagjuarnirmin.

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>;
<https://www.gov.nu.ca>



[INUK](#) | [ENG](#) | [IKW](#) | [FRE](#)



[INUK](#) | [ENG](#) | [IKW](#) | [FRE](#)

Aanniaqtailinikkut Havagvingmi nutaaq tuhaqtitaujukhaq

Atauttimun (Tamaita Avaliingaarnikkut Najurviit)	
Aullaqtuq Qanurittumik	Inuit Avaliinngaaqtitaujut talvannga Oct 8min
Aanniarnikkut	540
Inuit Inmikkuuqtun	320
Attautimut	860

Aullarhimajun utiqnun naunaijautaa:

Aullarvia Ublua	Amigaitilaangit Aullaqtun Avaliingarvingnin
Oct. 8	65
Oct. 9	58
Oct. 10	0
Oct. 11	69
Oct. 12	115
Attautimut	307

Ihariagijauqpiagtuni Havaktini Tukhirutin

Talvannga Oct. 8min, pilik 6898 tukhirutinik, 3303ngujun ihariagijauqpiagtuni havaktini tukhirutinik.

Tukhiutait Qanurinniit	#	%
Angiqtaujut (ilaujun ihariagijauqpiagtun ihariagijauqpiangittullu)	4774	69.2%
Qin'ngijajun	266	3.9%
Ihumaliuqtaujun huli	131	1.9%
Aullauvilluarvigijainni Nunat Angiqtaujun	1727	25.0%
Attautimut	6898	100%

Nunavunmiut aanniaqtailidjutait atauttikkut munaridjutigijaqut! Itqaumaluhi: uarlugin algatin qaangillu hunani, inungnin ahiqpaniitpaklutit, tuhaalugin uqaudjutait aanniaqtailinikkut havaktinit, aihimalutillu aanniaruvin.

Nutaatqianik COVID-19 qalagjuarnikkut ilitturipkaidjutinik ukunanilu GN-kunni Havagviinni nutaani ilitturipkaidjutinik tamainni uqauhini: <https://www.gov.nu.ca/health/information/covid-19-novel-coronavirus>; <https://www.gov.nu.ca>

